



Quotidiana Christiani Militis Tessera

Stanyhurst, Guillaume

Coloniæ Agrippinæ, 1682

15. Dies Febrvarii. Ibi erit fletus ex dolore, & stridor dentium ex furore. S.
Bernard. in sermo.

Nutzungsbedingungen

[urn:nbn:de:hbz:466:1-55659](https://nbn-resolving.org/urn:nbn:de:hbz:466:1-55659)

bus. Sed in hoc uno stupidus es, ut in aliis improbè nasutus sis. Verùm elucescet aliquando illa dies, qua stuporem illum tuum damnabis acriter, & plorabis acrius: & modò dum id cum aliquo tuo incommodoliceat, damna certè, & luge; tibi que persuade corpus hoc mortale esse veluti vas Animæ. Vasa si bene olent vel malè, id acceperunt ab unguentis, & fumosis odoribus, qui in illis reconditi aliquando fuerunt. Facigitur in Animæ tuæ vasculum non immittatur nisi myrrha pœnitentiæ salutaris, nisi thus piæ, & arduæ orationis, nisi thymiama eximie cujusdam in egentes beneficiæ, aliarumque virtutù, à quibus possis esse Christi bonus odor, primum in hoc ævo mortali, tum etiam in beata æternitate.

Quantus erit mœror, perflabit ubi omnia factor.

15. DIES FEBR VARI II.

Ibi erit fletus ex dolore, & stridor dentium ex furore. *S. Bernard. in sermo.*

Pœna vi. I.
sus.

UT oculos avertas ne videant vanitatem, sed ut oculi tui semper sint ad Dominum, qui te diligit ut pupillam oculi; proponè tibi atroces, quibus oculi cruciabuntur sub terra, illorum, qui (a) oculos suos statuerunt declinare in terram. Primum oculi eorum molestissimo afficientur dolore ex sulphureo fumo qui densus, ac teter exhalabitur ex stagno, in quo ardebit infelix Babylon;

(a) *Psa. 16. 11.*

lon : sed multò maximè illorum oculos dæmones terribilibus spectris infestabunt, quia varias horribilium monstrorum imbuent formas, nunc onocentauri, nunc lamiaë, nunc erycii, nunc milvi, nunc draconis, nunc leonis, ut illos territent. Certè D. Chrysostomus asserit, (a) tam horribilem, ac spurcam esse dæmonis speciem, ut si Deus promitteret *formidabilem illum suum, ac horrendum aspectum ostendere*, mente continuo dimoveremur, & solutis artuum compagibus evolare anima è corpore. Illas tamen portentosas larvas indefinenter intuebuntur. Nam ignis tartareus tantùm inter fumidas nubes lucis ostentabit, ut miseri nil aliud oculis haurire possint, nisi quod visum aut terrore afficiat, aut dolore affligat. Videbunt igitur præter horribilem Inferorum situm, formidabiles dæmones, horribilia spectra, terribilia simulacra, luctificas larvas, tetras mortis imagines, inamænos spiritus. Videbunt, inquam, & videndo contremiscent, serpentem illum antiquum, columbum tortuosum, Mammonam inquam, Satanam dolosum, Asmodæum cruentum, Belial perversum, Beelzebub dæmoniorum Principem, Beelmot illum immanem, & Leviathan cujus (teste Job) (b) *Sternutatio splendor ignis &c; de cujus ore procedunt lampades, & de naribus fumus, cujus halitus prunas ardere facit.*

II. Cùm Balthasar Rex accumberet cum optimaribus regni sui, & concubinis mensæ, ecce tibi, vidit manum scribentem arcanos aliquos characteres. Quo prodigio ita terditus fuit ut dicat sacra historia & (c) *Tunc facies Regis commutata est.*

(a) In Psa. 41. (b) Job. 41. (c) Dan. 5.

Cogitationes ejus conturbaverunt eum, & compages
 renum ejus solvebantur, & genua ejus ad se invicem col-
 lidebantur. Quæ obsecro, tanti terroris causa? Vidit
 manum scribentis in pariete, sed hominis. Quis un-
 quam vidit manum hominis sic timeri à Rege? Si
 leonis, si urfi, si draconis ungues vidisset, causa aliqua
 formidinis fuisset. Sed unius hominis dexteram quid
 tantus Dynasta sic metuat, ad cujus nutum mox sex-
 centæ alæ equitum advolassent subsidio? Ecquid illa
 tam formidanda manus armorum tulit? Nil nisi ca-
 lamum quo scripsit, Ad pennam scriptoriam virum,
 ne dicam Regem expallescere? Si trigeminam Joabi
 lanceam: si romphæam Cherubi ignitam in se u-
 num vibrari vidisset. Quod si Rex inter mille opti-
 mates, in medio tot famulantium grege, ita timuerit
 unicam hominis scribentis manum, quantum impii
 in illa tenebrosa caverna constituti horrebunt, dum
 videbunt non unam hominis manum, sed tot mina-
 ces leonum ungues, hiantes draconum fauces, pa-
 tentes luporum rictus, fumantes monstrorum na-
 res, exertos molossorum dentes?

III. Monachus quidam animam agens, dæmo-
 nem adstantem videbat, hic ille terrore quodam re-
 pentino correptus fuit adeò gravi, ut facies immu-
 taretur, & in toto corpore inusitata, & terrificam qua-
 dam symptomata cernerentur; tum sibi redditus dixit
 adstantibus fratribus: Fratres mei verè vobis affir-
 mam terribilia esse monstra illa tartarea, ut si mundus
 totus igne sulphureo, & ære liquefacto, & bullienti
 plenus esset, mihi que eligendi optio daretur, ut vel
 per medios hosce ignes transirem, vel iterum semel
 tantum monstra ista intuerer, multo libentiùs prius,
 quam

Februar.

Tessera.

125

quàm posteriùs eligerem. Tolerabilior est damnatis ipsa gehenna, quàm horum intuitus. Converte nunc oculos ad tuos oculos, & cautè illos aperi. Quia oculi illi qui ad impudicos intuitus laxatis excurrerant habent, qui furtiva libidinum negotia per loquaces procurabant nutus, qui contuendis fœdis imaginibus sese oblectabant, horribilium spectrorum contuitu infestabuntur, aspicient terribile illud domicilium, illum squallentem carcerem, istud stagnum inundans incenso sulphure. Sit tibi igitur, ne postea patiaris, in hac vita horror, & metus ne oculis pecces, sit dolor, metus, & fletus postquam peccasti, ne illic te præcipites, ubi

Est dolor atque metus, per que omnia sacula fletus.

16. DIES FEBRUARII.

Fames durissima necessitatum, deformissima malorum. *Quint. declamat. 12.*

Fames & I.
fatis.

SI in omni, qua premimur necessitate, durissima sit fames: ultimam necesse est esse damnatorum necessitatem, ubi & non tantum quod leve, sed quod gravissimum, omnium bonorum erit perennis fames. Quia illorum lingua, & palatum humore semper aliquo imbuentur, sed tam amato, ut neque fuligo, neque fel, neque rutha, neque aloës, neque absinthium illi æquari ullo modo possint. Ne tamen putemus eos omni prorsus cibo, potuque destituendos, exponit nobis Moyses, quis illorum